

Na osnovu člana 20a. stav (1) i (2) Zakona o radu FBiH ("Službene novine Federacije BiH", broj:26/16 i 89/18), člana 57. Statuta TTU energetik d.o.o. Tuzla broj OS-1-3/16 od 05.12.2016. godine, člana 4. Pravilnika o radu TTU energetik d.o.o. Tuzla broj: 02-28-88-4/18 od 25.12.2018. godine i Odluke o potrebi prijema radnika broj 04-765/19 od 03.05.2019. godine direktor Društva raspisuje:

JAVNI OGLAS

za prijem radnika u radni odnos u Tvornici transportnih uređaja energetik d.o.o. Tuzla

I

Tvornica transportnih uređaja energetik d.o.o. Tuzla raspisuje javni oglas za prijem radnika u radni odnos na određeno vrijeme na sljedećim radnim mjestima:

Red. br.	Radno mjesto	Služba	Broj izvršilaca	Trajanje ugovora
1.	Projektant 1	Proizvodnja	1	12 mjeseci
2.	Tehnolog bravarsko-zavarivačkih poslova	Tehnologija	1	12 mjeseci Pripravnik
3.	Borverkista 3	Proizvodnja	1	7 mjeseci
4.	Bravarsko-montažni poslovi 2	Proizvodnja	1	7 mjeseci
5.	Bravar 4	Proizvodnja	1	7 mjeseci
6.	Bravar 5	Proizvodnja	1	7 mjeseci
7.	Metalostrugar 4	Proizvodnja	1	7 mjeseci
8.	Metaloglođač 3	Proizvodnja	1	7 mjeseci
9.	Radnik na pomoćnim poslovima	Proizvodnja	2	7 mjeseci
10.	Domar	PKO	1	7 mjeseci

Za radna mjesta pod rednim brojevima: 1., 3., 4., 5., 6., 7., 8., 9. i 10. predviđen je probni rad radnika u trajanju od 3 (tri) mjeseca.

II

Kraći opis poslova iz člana 1. Javnog oglasa po radnim mjestima:

- "Projektant 1"**: Razvijanje i projektovanje vrlo složenih idejnih, investicionih i glavnih projekata za objekte, mašine i uređaje, konstruisanje vrlo složenih mašina i uređenja, izrada najsloženijih statističkih proračuna AB i čeličnih građevinskih objekata, proračun složenih nosećih čeličnih konstrukcija mašina, tipizacija najsloženijih elemenata čelične konstrukcije, obrada ponuda, izrada potrebnih mjernih skica, tehničkih opisa i specifikacija za objekte mašine, uređaja i kompletne sisteme, dimenzionalna, računaska, tehnička i funkcionalna kontrola složenih sklopova, mašina i uređaja. Sistematsko praćenje i proučavanje razvoja proizvoda u cilju pronalaženja novih i povoljnijih rješenja, uz primjenu najsavršenije tehnologije. Obavlja i druge poslove po nalogu pretpostavljenog rukovodioca.
- "Tehnolog bravarsko-zavarivačkih poslova"**: Razrađuje tehnološke postupke za čelične konstrukcije, izrađuje tehnologiju zavarivanja za čelične konstrukcije, projektovanje i definisanje konstruktivnih zadataka, konstruisanje alata i naprava, planovi zavarivanja i pripajanja pojedinih pozicija u podsklopove, izrađuje planove snimanja zavara, vrši proračune i daje uputstva za obradu elemenata na složenim mašinama, grupisanje tehnoloških postupaka, proučavanje tehničke dokumentacije složenih proizvoda, utvrđivanje redosljeda tehnološke razrade i lansiranja



- dokumentacije u proizvodnju. Obavlja i druge poslove po nalogu pretpostavljenog rukovodioca.
3. „**Borverkista 3**“: Urezivanje svih vrsta navoja u kućištima, izrada provrta na konstrukcijama i utora, izrada svih vrsta ukopa i otvora, održavanje radnog mjesta i stroja, pravilno korištenje kapaciteta mašina i reznog alata. Obavlja i druge poslove po nalogu pretpostavljenog rukovodioca.
 4. „**Bravarsko-montažni poslovi 2**“: Priprema dijelova, podsklopova i sklopova za jednostavnu montažu, montaža opreme, demontaža i defektaža jednostavnijih proizvoda, brušenje i dotjerivanje jednostavnih elemenata, izrada noževe za jednostavne alate, popravka jednostavnih bravarski pribor, alate i mjerila. Obavlja i druge poslove po nalogu pretpostavljenog rukovodioca.
 5. „**Bravar 4**“: Izrada i montaže manje složenih čeličnih konstrukcija, savijanje limova i profila sa manjim stepenom tačnosti, kružno savijanje prstenova, cijevi, profila i limova, bušenje dijelova i pozicija na radijalnoj bušilici, manje složene montaže i demontaže, ručno i mašinsko narezivanje navoja, odsijecanje, savijanje i ravnanje komada. Obavlja i druge poslove po nalogu pretpostavljenog rukovodioca.
 6. „**Bravar 5**“: Izrada i montaže jednostavnih čeličnih konstrukcija, savijanje limova i profila sa manjim stepenom tačnosti, kružno savijanje prstenova, cijevi, profila i limova, bušenje dijelova i pozicija na radijalnoj bušilici, jednostavne montaže i demontaže, ručno i mašinsko narezivanje navoja, odsijecanje, savijanje i ravnanje komada. Obavlja i druge poslove po nalogu pretpostavljenog rukovodioca.
 7. „**Metalostrugar 4**“: Obrada jednostavnijih unutrašnjih konusnih površina, izrada žljebova – kanala na bubnjevima i plaštevima prečnika do 1000 mm, izrada jednostavnijih vanjskih milimetarskih i wirtortovih konusnih navoja, obrada tolerisanih vanjskih površina dužine do 300mm, unutrašnja gruba obrada kugle, obrada tolerisanih unutrašnjih površina dužine do 150mm. Obavlja i druge poslove po nalogu pretpostavljenog rukovodioca.
 8. „**Metaloglodač 3**“: Samostalni metaloglodački radovi na jednostavnim elementima, izrada više žljebova na vratilima čije dimenzije iznose ϕ 60 mm dužine do 300 u kvalitetu N 8 i 9, izrada malih zupčanika do prečnika ϕ 200 mm modula do 6 mm u kvalitetu N 9 i 10, izrada dvostrukih utora na vratilima do ϕ 200 mm i dužine do 1200 mm, obrada kućišta sa razvrtavanjem rupa u toleranciji N 10 i 11, izrada utora i koničnih rupa, izrada ozubljenih letvi. Obavlja i druge poslove po nalogu pretpostavljenog rukovodioca.
 9. „**Radnik na pomoćnim poslovima**“: Pomoćni poslovi pri bravarsko zavarivačkim radovima, utovar i istovar tereta, praćenje tereta pri transportu, čišćenje radnih prostorija, pomoćni poslovi pri održavanju objekata u krugu Tvornice, slaganje predmeta i održavanje urednosti radnog prostora, održavanje saobraćajnica unutar Tvornice. Obavlja i druge poslove po nalogu pretpostavljenog rukovodioca.
 10. „**Domar**“: Vršiti poslove održavanje objekata i kruga Tvornice, farbanje, krećenje, bušenje, rad s malim alatima poput bušilice ili fleksarice uglavnom na sitnijim prilagodbaama raznih elemenata poput stolaca, vrata, itd., kurirski poslovi, preventivni pregledi objekata, briga o ispravnost kanalizacionih instalacija, zamjena rasvjetnih tijela, sadnja, okopavanje i obrezivanje biljaka, košnja trave, sakupljanje i odvoz smeća. Obavlja i druge poslove po nalogu pretpostavljenog rukovodioca.

III

Kandidat koji se prijavljuje na oglas potrebno je da ispunjava opće i posebne uslove, kako slijedi:



a) Opći uslovi:

- Da je državljanin BiH
- Da je stariji od 18 godina
- Da je zdravstveno sposoban za obavljanje poslova radnog mjesta (Uvjerenje dostavlja kandidat koji bude izabran prije prijema u radni odnos)

b) Posebni uslovi:

Za radno mjesto pod rednim brojem 1. i nazivom „**Projektant 1**“:

- VII/VSS stepen stručne spreme, diplomirani inženjer mašinstva

Minimalno 3 (tri) godine radnog iskustva u struci na istim ili sličnim poslovima

Za radno mjesto pod rednim brojem 2. i nazivom „**Tehnolog bravarsko-zavarivačkih poslova**“:

- VII/VSS stepen stručne spreme, diplomirani inženjer mašinstva – pripravnik

Za radno mjesto pod rednim brojem 3. i nazivom „**Borverkista 3**“:

- IV/SSS/III/KV stepen stručne spreme, mašinskog, rudarskog ili elektro tehničkog smjera,
- Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 4. i nazivom „**Bravarsko-montažni poslovi 2**“:

- IV/SSS/III/KV stepen stručne spreme, svi smjerovi

Za radno mjesto pod rednim brojem 5. i nazivom „**Bravar 4**“:

- IV/SSS/III/KV stepen stručne spreme, mašinskog, rudarskog ili elektro tehničkog smjera,
- Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 6. i nazivom „**Bravara 5**“:

- IV/SSS/III/KV stepen stručne spreme, mašinskog, rudarskog ili elektro tehničkog smjera,
- Minimalno 6 (šest) mjeseci radnog iskustva u struci na istim ili sličnim poslovima

Za radno mjesto pod rednim brojem 7. i nazivom „**Metalostrugar 4**“:

- IV/SSS/III/KV stepen stručne spreme, mašinskog, rudarskog ili elektro tehničkog smjera
- Minimalno 1 (jedna) godina radnog iskustva u struci na istim ili sličnim poslovima

Za radno mjesto pod rednim brojem 8. i nazivom „**Metaloglodač 3**“:

- IV/SSS/III/KV stepen stručne spreme, mašinskog, rudarskog ili elektro tehničkog smjera,
- Minimalno 2 (dvije) godine radnog iskustva u struci na istim ili sličnim poslovima

Za radno mjesto pod rednim brojem 9. i nazivom „**Radnik na pomoćnim poslovima**“:

- I/NK/II/PK stepen stručne spreme

Za radno mjesto pod rednim brojem 9. i nazivom „**Domar**“:

- I/NK/II/PK stepen stručne spreme

IV

Uz prijavu na oglas kandidati su dužni dostaviti:



- Pismenu prijavu na oglas, svojeručno potpisanu, sa naznakom jednog ili više radnog/ih mjesta na koja se prijavljuje, broj telefona, tačnu adresu stanovanja i kraću biografiju (kandidat koji se prijavljuje na više oglašanih radnih mjesta popunjava jednu prijavu i u istoj navodi radna mjesta na koja se prijavljuje);
- Izvod iz matične knjige rođenih;
- Diplomu o završenom školovanju, potrebnu za radno mjesto;
- Uvjerenje / Potvrda o radnom iskustvu za radno mjesto na koje se prijavljuje;
- Relevantan dokaz o ostvarivanju prava po osnovu Zakona o dopunskim pravima boraca i članova njihovih porodica TK („Službene novine TK“, broj 5/12 i 5/14).

Sva dokumenta dostaviti u originalu ili ovjerenoj fotokopiji (ukoliko kandidat dostavlja fotokopiju potrebno je da ovjera nije starija od 6 mjeseci računajući od dana objave Oglasa).

Kriteriji za prijem u radni odnos po osnovu kojih se vrši bodovanje kandidata, u zavisnosti od radnog mjesta, su:

- a) Stručna sprema,
- b) Usmeni ispit,
- c) Praktičan rad,
- d) Pripadnost nekoj od boračkih kategorija.

Komisija za izbor kandidata, u skladu sa Metodologijom za izbor radnika u TTU energetik d.o.o. Tuzla broj: 03-89-20-4/19 od 19.04.2019. godine, prethodno vrši provjeru kvalifikovanosti kandidata i sačinjava abecednu listu kvalifikovanih kandidata. Nakon toga ista vrši bodovanje po kriteriju stručna sprema i pripadnost nekoj od boračkih kategorija, te provodi usmeni ispit, a po dostavi zapisnika o ocjeni kandidata od strane Komisije za praktični rad, vrši zbrajanje bodova kandidata ostvarenih po svim kriterijima. Komisija za praktičan rad vrši pripremu praktičnog radnog zadatka i bodovanje kandidata po istom. O svim aktivnostima komisije pravovremeno informišu prijavljene kandidate.

Sa kandidatima koji budu izabrani i primljeni u radni odnos, zaključit će se ugovor o radu na određeno vrijeme, uz probni rad, kako je Oglasom predviđeno. Ukoliko primljeni kandidat ne zadovolji očekivanja poslodavca u toku probnog rada, prestat će mu ugovor i radni odnos, bez otkaznog roka i bez ikakvih obaveza poslodavca prema izabranom kandidatu.

Obavještenje o rezultatima Oglasa biće istaknuto na oglasnoj tabli i web stranici Društva.

V

Javni oglas se objavljuje u listu “Oslobođenje” i na web stranici Društva, i isti ostaje otvoren 8 (osam) dana od dana posljednjeg objavljivanja u navedenim sredstvima informisanja.

Prijave sa dokazima o ispunjavanju uslova iz Oglasa, dostaviti lično ili preporučeno poštom, na adresu: 18. hrvatske brigade broj 25, 75000 Tuzla, sa naznakom “Prijava na oglas broj: 04-773/19“

Nepotpune i neblagovremeno pristigle prijave neće se uzimati u razmatranje. Priložena dokumentacija se neće vraćati.

Broj: 04-773/19
Datum: 06.05.2019. godine

